




登紫微山仙臺望橫山及山

日落山氣涼松徑九迴轉一上一改觀



游踐乃登仙人臺古蹟披蒼蘚水流咽又鳴風
過泠然善歸雲擁浮屠餘霞抹雙巘信羨此山
川畫圖時一展我欲結茆廬塵俗幾能免

過張氏涉園園在海鹽城南烏夜村中有

攬潮峰喜雨軒

問訊城南張氏園幽棲真足避囂喧喜聽小雨

開軒牖直上高峯望海門春水橋邊新柳影晚
煙林下古梅魂不知三五嬋娟月猶照當年烏
夜邨

自武原歸復登沈山

一櫂武原返重來看兩峰墓門占沈景林藪識
周顥丹轉還餘井松高欲化龍憑虛送斜照煙
外乍聞鐘

歸舟值雨不及登贊山

布帆六幅東風輕水面遠見雙峰迎墨雲倏忽
起頭上瑟瑟微雨蓬窓生夾岸烟濃樹色聚上
方鐘咽天光暝烏龍祠外錢王池欲往觀之愧
泥濘武原看山半月餘恍忽海上登蓬壺遊興
再鼓天所吝風風雨雨催歸途

寄沈四協卜即用其書樓夜坐元韻

初夏清涼似早秋蕭蕭風雨讀書樓良朋喜得
同三益居士偏宜咏四休曲徑看花曾共醉孤

燈掃榻重相留離懷寂莫難消遣新月窗前夜
氣浮

養蠶詞四首

女蠶昨夜出奩房簇簇頭眠新起娘陌上露多
鞵欲濕采桑偏要趁朝陽

近川蠶室掩柴扉墻下猗猗桑葉肥料得今年
蠶口食不須鬻我嫁時衣

青青桑葉遍柔枝小滿筐中蠶起齊十五小姑

閑好事背人先去學添梯

南陌朝朝風雨深采桑廢盡養蠶心阿儂會織
機中絹少把新絲換白金

宣德銅爐歌

斗室養靜焚香脂輕烟嫵娜飄書帷哥定磁爐
不適用使我好古還神馳漢宮博山重丁緩走
狻飛猶巢靈竒飾以七寶層以九依稀山勢爭
參差鏤鼎鑠金辟塵穢雲雷耳鑿腰蟠螭飛仙

鸞鶴麒麟猊古色駁犖今無遺乃知法物渺難
購徒增戀惜旁觀嗤宣廟鑄爐歲內府仿古所
製功加之銅經赤炭十二鍊精萃漸出鎔鋼飾
初尚燒斑次褐色歲金以上誇棠梨民間那能
畧彷彿國家元氣鍾于斯三百年来好事者欲
得不得同敦彝鎔金橘囊造神匠殊光寶色何
琉璃一朝上品落我手夙願已遂非人為拂拭
烏皮日賞鑿雪芽細啜歌新詩歌成長調喜不

寐片月隱隱穿松枝

初夏懷沈四協卜

今朝春色老夏令已初更雨沼荷錢疊風畦麥
浪輕過墻憐粉蝶欹枕聽黃鶯冉冉流光裏知
君太瘦生

重五

梅雨纔初過菖蒲葉葉新漫傳魚化鹿
事見陽江縣圖經
却咲艾如人翠釜蘭湯浴龍舟錦幟陳楚寃終

南園初集詩鈔
未洗誰為弔靈均

雨窓讀莊子內篇

細雨滴芭蕉書窓吐新綠靜坐焚香脂養生悟
內錄緣督以為經主意一語蓄解牛及火傳竒
文隨手觸讀罷味有餘天霽月初沐

納涼

薄暮卷簾櫳炎消細雨中螢燈携小徑月影漏
踈桐靜得琴中趣涼生扇底風移床北窓下一

枕學陶公

夜泊金粟寺

日落水冥冥山溪暮色青蛙鳴斷岸鼓螢墮半
天星涼露孤篷飽踈鐘欹枕聽祇園千古月寂
莫照沙汀

早發武原

篷窓曉色初浮殘月猶橫一鈎報道武原已近
早涼正好行舟

南園初集詩金
三
夜泊乍川聞笛有懷

獨酌難成醉
笛聲來小舟
西風川上月
殘柳岸傍秋
入破聞高調
離懷觸舊愁
有人應不寐
深夜倚南樓

萬籟時方寂
遙聞裂竹聲
誰家三弄興
觸我十年情
雲散秋容澹
水寒月魄橫
何須斷腸曲
客夜已心驚

鴛鴦橋

一帶長虹跨水隄
秋風催送小舟歸
夜來橋畔鴛鴦侶
應自雙雙月下飛

歸舟二首

野雲散盡月當空
谷水西來脉脉通
今夜歸舟浪花白
布帆六幅飽秋風
片帆輕穩入長流
風露娟娟岸柳秋
惟有嶼城今夜月
殷勤獨自送歸舟

雨

南園初集詩金
一夕喜涼雨連朝苦不晴囊琴微覺潤庭草太
橫生着屐人誰至垂簾夢未成芭蕉爾何事點
點作秋聲

七夕有感二首

寂莫空庭月一鉤涼風到處是新秋銀河莫道
猶通渡織女年年怨白頭
個人暗地已驚秋對景徒增萬種愁那得鵲橋
今夜裏殷勤竟自詣牽牛

晨起

欹枕夢初醒書窓曉色橫西風到梧樹葉葉作
秋聲

晨起卷簾看早秋生薄寒瓦爐茶未熟日影上
琅玕

夜聽武林余菜園先生彈琴

挑燈坐對雨初收清夜彈琴解宿愁萬籟無聲
人獨嘯高山可仰水空流蕭蕭吹去聲入松風

冷瑟瑟飄來梧葉秋一曲又完新月上忘機還
問海中鷗風入松梧葉舞秋風海鷗忘機皆琴曲

種瓜行

頻年種瓜瓜不結瓜畦抱蔓空愁絕今年華好
實易成朝灌暮鋤心更切旁生一本青茸茸根
雖不同種則同大者為瓜小者徒何當怪事驚
田翁相依敢望成連理鉏而去之姑且止願摘
盤中並蒂誇桂髓龍蹄無彼此

桂髓龍蹄二瓜名

海上望月

涼風天氣近黃昏月魄盈盈出海門萬里清光
留此夕亂雲脫壞似濤奔
大江如沸夜潮生萬馬東來月正橫一片秋光
鋪白練應知皓魄更分明

蕊書樓晚眺

不倦登臨興憑闌意欲秋海雲天際去野樹坐
中收日落青山暮香濃丹桂浮多情今夜月早

上讀書樓

秋海棠四首

占得佳名八月春
畧施紅粉便宜人
檀心一點常含露
翠袖低迴不染塵
穠豔已除歸冷澹
韶華都過轉精神
天公果是憐幽獨
好放南園菊色新

不共春芳鬪媚姿
短叢脉脉寄秋思
嬌嬈心性今如此
羨滿風光彼一時
涼月漸窺初睡足
嫩

寒微度曉粧遲
若教杜老曾相見
獨立蒼苔也賦詩

是花灼灼復叢叢
小豔真能奪化工
生處最宜臨北牖
開時未肯嫁東風
梅郎有恨何曾着
蘇子長吟那許同
不比春陰能護惜
年年冷露滿庭中

賸得餘春到暮秋
涼生院砌着花幽
明霞落處顏如醉
宿雨收時態更柔
一笑應憐清景在三

南園初集詩鈔
生有夢錦城不夜深誰復燒銀燭蟋蟀闌邊看
未休

己巳秋日玉立齋前玉蘭忽着數花

春光剝得到殘秋數朶寒葩著樹頭明月一庭
涼露滿攜尊與客共登樓

小院羣芳盡委塵一枝留得有餘春今年最好
秋風裏玉貌如姝別有神

九月桂

一枝誇獨秀正及授衣時靈鷲移根遠淮南招
隱遲葉深霜漸撲香轉月重窺金菊同幽韻芳
蘭入夢思冬榮餘本性節換更豐粧吟賞欣相
續高攀到鴈池

雨中舟過石門

蓬窻浙瀝雨寒氣陡然生屐齒侵晨市雲衣護
小城踈林鴉漸起秋驛雁初鳴撐水西風急一
篙新漲平

許邨道上

青山忽忽晚煙吞
舟過臨平又許邨
犬吠聲中人更寂
一溪明月照黃昏

晚登臯亭山望鼈子壘

振衣直上高峯頂
一望蒼茫見海門
龕赭並開秋氣肅
錢塘幾折晚濤奔
僧投漠漠歸雲寺
鳥認蕭蕭落葉邨
到此悠然遠塵俗
半山亭外欲黃昏

韜光菴

梵徑何盤折
飛泉曲澗流
雲林煙翠冷
鷲嶺桂香秋
旭日當樓面
大江橫案頭
高人愛臨海
千古一詩畱

山行見茗花

昔我入山徑
雨前採新茶
蟹眼投雀舌
白甌泛青霞
秋風動巖谷
蕭瑟遍天涯
晚茗冒霜立
九月始開花
清香經秋媚
崖菊同芳華
葉底藏春

雷一粟已萌芽此來摘花蕊細嚼味亦嘉蒸烹
待來歲幽興且先賒

度譚仙嶺登高陽山絕頂觀海嶺為南唐
仙人譚峭得道處

海波瑟瑟風刁刁林樹時作豺狼嗥仙人舊趾
風景異丹竈冷落烟飄飄我生省識山中路攀
藤牽葛忘疲勞移時直上古仙嶺怪石欲壓飛
崩濤嶺南有徑達絕頂盪盪危棧何迢迢高陽

山高高百丈陡崖峭壁千層霄島嶽參差在眼
底大江萬里窮鰲毫海門要處擘巫子浪花影

裏懸帆焦

海中有焦石形似帆
漱水志名石帆山

黃盪南控會稽郡一

痕未沒秦山椒

紹興秦望山與高
陽山隔江相對

西走蜿蜒接龕赭

兩峯束縛撓其嶠是時山靜水作響萬弩突射
錢塘潮白練如銀光閃爍蛟龍水族紛騰逃豁
然四顧發長嘯秋氣蒼肅江天高

晚步雲林寺山徑至半山亭望錢唐江

南園初集詩金
三
祗園日未夕杖策且逍遙剡竹引流水橫杉作
短橋雁鳴秋渚冷風翦暮林凋亭外踈鐘歇錢
塘正落潮

田烈女詩 有叙

烈女姓田氏烏程南潯人許字董子掌
文未婚而掌文以瘵疾卒於袁江旅邸
女聞訃以束髮紅繩夜縊於床陳子感
焉爰賦五律一首

淋婉閨中秀高門早問名未諧琴瑟侶已託死
生情旅櫬歸魂杳懸絲畢命輕白蘋洲上月千
古照堅貞

錢塘懷古

武林名勝區佳日供吟賞漸江在其南洪濤長
鼓蕩一解鳳皇山崔嵬不復鳳皇飛激灩兩湖水
雲日相晶輝二解楊柳堤上垂荷花郭外遶舊時
歌舞場情親有魚鳥三解詞客重子野高人愛逋

西園初集詩金
言
翁白蘓政令羨餘事傳詩筒四解使君山斗才屏

藩於茲土攀躋到翠微俯仰更懷古五解

雪夜集飲潤齋分韻得香字

一庭春雪滿四壁散清光此夜寒猶勁踈梅暗
自香賦詩慚落筆宴語喜聯床酒戶從來小陶
然到睡鄉

迎

鑿詩恭賦四章

四海昇平日羣黎休養時德風欣又被仁澤念
頻施邊徼烽烟息田疇雨露滋

聖心猶軫恤早示省方期

化洽垂裳治懽聞

法駕臨巡行遵

祖德補助荷

天心日麗雲霄上波流江海深杖藜諸父老鼓
舞共謳吟

南園初集詩鈔
興朝崇孝治觀感動寰區側聽

鑿輿至頻將

寶幄扶濬川功協禹觀嶽德同虞夾道添香炷

恭迎

聖母俱

南巡羣望切

睿意俯相從春色當三月

恩光下九重漸江停曲蓋竺嶺接飛龍擊壤民

同樂康衢瑞靄濃

曹烈婦詩有叙

烈婦姓湯氏為仁和少宰西厓公女孫

適石門太學生曹運清己巳三月運清

卒無嗣且六棺未葬烈婦擇從子承祧

鬻簪珥佐窀穸資八閏月事竣遂即自

經嗚呼斯亦可謂從容就義者歟

婦道處於靜往往從夫榮一朝守節烈反成夫

子名解一語溪曹烈婦系出中山氏十八始結褵

用能相夫子解二夫子性豪邁生產素不知房帷

置婢妾四十嗟無兒解三凡事一身當夫子病軟

脚連年遭凶喪門祚漸衰薄解四白日急西頽惻

惻苦天窮一身成寡鵠無復見故雄解五故雄無

復見地下誓同死誓死古之常從容獨誰比解六

嗣續喜有人窀穸亦已安支持八月餘咸悲心

力殫解七整衣乃自經此身無憾矣烈哉千古傳

不盡語溪水解八

題畫桐葉

飄來如有意寫出更無端一片蕭疎影從人熱
眼看

即事三首

楊柳依依拂玉塘天涯一望斷人腸柔枝曾縮

同心結那得重尋舊洛陽

桃葉桃根最有情十年月下訂三生祇今渡口

花空放打槳何人依舊迎

翠袖相携月下遊圓珠三斛願難酬季倫果自
情癡否粉墮香消白玉樓

題從祖筠圃先生本來面目圖

杜德機初示仍衣無垢襴丰神殊落落骨相自
珊珊丈室拈花笑名山拄笏看何如是真我未
許問旁觀

晚步孤山

孤嶼真孤絕衰回日易曛先生梅幾樹香雪白
紛紛老鶴招何處寒泉澁不聞我懷寄高躅無
酒醉荒墳

孤山月下看梅

小艇搖殘醉探梅到墓門水雲生黯澹山月破
黃昏漠漠香無主悠悠玉返魂誰家吹短笛哀
怨總難論

賦得河鯉登龍門

乘春仙鯉躍遠上自黃河鮫室寧長伏龍門喜
得過鯤騰同變化鼇擲想嵯峨錦浪高逾汲青
霄近可摩揚鬢雄若此燒尾幸如何拭目為霖
雨天池咫尺波



